



26. april 2023

UPA23/43

Siunnersuut uunga: Ininik attartornermi ineqarnermut tapit pillugit Inatsisartut Inatsisaata allangortinneqarnissaannut inatsisartut aalajangiiffigisassaattut siunnersuut (Akileraartarnermut ilanngaatic toqqammaviumik naatsorsuinermi utoqqalinersialinnut siusinaarlunilu pensionisialinnut qaffanneqarnissaa pillugu).

Siumumit ima oqaaseqarfigissavarput:

Naalackersuisut inatsimmik allannguutissatut siunnersuuteqarnerat Siumumit taperseratsigu aallaqqaaticigalugu oqaaticissavarput. Pineqartumili eqqaamassavarput, utoqqalinersianut tunngatillugu nalimmassaanissat suli naammassinngimmata, nangittumillu Naalackersuisut suliarineqartut, Siumumit ilisimaarigatsigu.

Una siunnersuut iluarsiissuteqarniaraluarni akornutaalersimasunik aaqiissuteqarneruvoq.

Utoqqalinersiat siusinaartumillu pisartakkat kingullermik qaffanneqarmata, tamanna ajoraluartumik ima kinguneqarpoq, ineqarnermut tapiissutit naatsorsuinermi pisartagalit ilaannut apparlutik. Naalackersuisut namminneq nassuiaanerminni oqarput, utoqqalinersiat toqqammaviumut aamma siusinaartumik pensionisiat qaffasinnerpaat qaffanneqarnerisa kingunerisaanik, ineqarnermut tapiissutit annertussusaat maannakkumut tapiissuteqarfiusinnaasut ilaatigut mangiarneqartut.

Inuit pineqartut ukiorpassuarni ilungersunartumik inissisimasartut nalunngilarput, aamma taamaakkami kingullermik qinersigatta apeqqutit taakkorpiaat annertuumik inuiaqatigiinni eqqartorneqarput. Utoqqarnut siusinaartumillu pisartagalinnut suliassaq, qinigaaffimmi uani naammaginartumik naammassineqassasoq Siumut isumaqarpoq. Taannarpiarlu pissutigalugu Naalackersuisooqatigiit isumaqatigiissutaanni suliassaq naqissuserneqarsimavoq – issuaavunga:

Utoqqaat soraarnerussutisiallillu atugaat pitsanngorsaavigineqassapput, tamannalu siunertaralugu inatsisit tamatumunnga tunngasut tamaasa qulaajarneqassapput.

Utoqqaat soraarnerussutisiallillu atugaat pitsanngorsaavigineqassapput, tamannalu siunertaralugu inatsisit tamatumunnga tunngasut tamaasa torersumik qulaajarneqarnissaat Siumup kissaatigaa, qularnaatsumik aaqiissuteqarnissaq anguneqarniassammat.

Taamatut oqaaseqareerluta ataatsimiititaliamut susasaqartumut suliap ingerlateqqinneqarnissaa kissaatigaarput.

Dines Mikaelson, Siumut